



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XVI. Conserua me Domine, quoniam speraui in te.

urn:nbn:de:hbz:466:1-44993

PSALMVS XVI.

Conserua me Domine, quoniam speravi in te.

OBEDIENTIAE CHRISTI SECVRITAS.

1 Monile Dauidis. *Ode Sapphica.*

SIs mihi custos, tibi nam POTENTI in-
Nnitur constans mea spes fidesque.

2 Dixit hæc IAM Dominum, mei qui
Munere regni

3 Non eger, sanctis magis adparati;
Terra quos iustos memorat colonos,
Hos ego cunctis stabilire magnos
Destino votis.

4 Mille & ærumnis miseri modisque
Sunt, quibus cordi est alius salutis
Auctor; ipse horum minimè administer
Partibus addar:

Sive quis fuso vitulæ cruore
Liber, apellans repetita falsi
Numinis nostro procul amouenda
Nomina ab ore.

5 Pars mei ast IAS celebranda census
Est, & æterni calicis; meæ tu
Dextera numquam minuente firmas
Munera fortis.

6 Nam mei quantum patuere fundi
Funibus tensis, niter alma passim
Gratia, & summum decus atque pleno
Copia cornu.

7 Conditis IAM celebrabo magnum
Versibus, cuius monitu probandas
Noctibus totis recolente verso
Pectore curas.

8 Semper est præsens mihi dexter IAS,
Qui dat, vt magnis penitus periculis
Sepius, immotus maneam ruinæ
Protinus expers.

9 Ergo præstanti studio meum cor
Gaudet exultans, decus atque surgit;
Certaque & lethum domitura, carnem
Sustinet hanc spes.

10 Nam neque infernis animam sub vmbriis,
Nec cui foeda patiere corpus

- Tabæ dilecti minui, aut profanæ
Cedere morti.
1 Tu mihi, vt vitas repetam, viarum es
Auctor & ductor: saturante semper
Dextera & vultu decus atque plena
Gaudia præstas.

PSALMVS XVII.

Exaudi Domine iustitiam meam.

PROBITATIS FIDV CIA.

Oratio David. *Ode eadem.*

- 1 **P**osco si iustum, famuli querelas
Excipe o magnum mihi numen IAS;
Fraudis experti auxilium rogantis
Annuè voci.
2 Te meæ summum cupiens adopto
Arbitrum causæ, penitus valentem
Facta quæ consent oculis probanda
Cernere puris.
3 Intimos cordis penetras recessus,
Nocte me obseruas, tacitosque renes
Excoquis, nec tu mea verba curis
Dissona sentis.
4 Ipse verborum memor at tuorum
Lustro dum spectans homines, nocentum
Semitas certè varias latronum
Visere cogor.
5 Ac tuis nostri duce te rotentur
Orbitis gressus, mea ne viarum
Lubrico tandem tremebunda cursu
Crura vagentur.
6 Te voco FORTEM, facilem & vocanti;
Tu meis aurem solitam querelis
Admoue; & quod nunc referam, benigne
Excipe dictum.
7 Ede mirandis tua dona gestis,
Meque (fidentes tibi namque seruas)
Eripe instantum gregibus superbis
Vindice dextra.
8 Me fove, vt puris oculis micantem
Luce pupillam, dubioque casu
Me tuis tutum, procul & timore
Siste sub alis.

Improbis